



ANEXO I AO REGULAMENTO DE RÉXIME DISCIPLINARIO DA FGA

RÉXIME DISCIPLINARIO ESPECÍFICO DE INFRACCIÓN RELACIONADAS CO INCUMPRIMENTO DO PROTOCOLO DE ATLETISMO

A crise desencadeada a raíz da irrupción no noso país da COVID-19 e a responsabilidade que asume a Federación Galega de Atletismo no desenvolvemento dalgunhas das funcións públicas delegadas, contempladas na Lei do Deporte 3/2012 do Deporte de Galicia (artigo 56.4. b e c) de "*Organizar as competicións oficiais autonómicas federadas*" así como "*Expedir licenzas deportivas para a práctica da súa modalidade deportiva nos termos establecidos na presente lei*", incluída a autorización que debe conceder a FGA para a organización de competicións atléticas na Comunidade Autónoma de Galicia, esixe o cumprimento estrito por parte de todos os estamentos do Protocolo de atletismo aprobado pola Xunta de Galicia e adaptado ao correspondente "FISICOVID-DXTGALEGO" co obxecto de reducir os riscos de contaxio á mínima expresión.

Por iso, sen prexuízo de que o vixente Regulamento Disciplinario da FGA xa contempla, como infracción moi grave, a consistente en alterar a seguridade da competición ou poñer en perigo a seguridade das persoas, resulta pertinente modificar o Regulamento a través da incorporación dun anexo específico que conteña un catálogo de infraccións de distinta gravidade relacionadas cos posibles incumprimentos do protocolo, que serán, no seu caso, sancionados polos órganos disciplinarios federativos a través dos procedementos previstos no Regulamento Disciplinario, sen prexuízo de calquera outra actuación non estritamente disciplinaria, como a cancelación da competición, que poida adoptar a Comisión COVID19 no plano organizativo-competicional.

Na súa virtude, tipifícanse as seguintes infraccións disciplinarias específicas relacionadas co incumprimento do Protocolo de Atletismo para a prevención do COVID-19:



PRIMEIRO.- Infraccións específicas moi graves

Son infraccións moi graves, sancionables conforme ao artigo 18 do Regulamento Disciplinario, as seguintes condutas:

Atletas	<ul style="list-style-type: none"> ● Achegar datos falsos na declaración responsable do participante. ● Achegar datos falsos no cuestionario de saúde do participante. ● Participar nunha competición co coñecemento fidedigno do padecemento da enfermidade da COVID19 e a súa sintomatoloxía propia. ● Non poñer a máscara nas situacións contempladas, unha vez que a autoridade competente advertise ao atleta sobre a dita obriga. ● Non respectar a separación de seguridade física de 1,5 metros, unha vez que a autoridade competente advirta ao atleta sobre a dita obriga, agás as situacións contempladas. ● Non advertir aos servizos sanitarios da competición que posúe síntomas que poidan representar un posible contaxio da enfermidade. ● Non seguir as indicacións establecidas pola autoridade competente presente na competición e que poña en risco posibles contaxios ás persoas presentes na competición.
Adestradores/as	<ul style="list-style-type: none"> ● Achegar datos falsos na declaración responsable previa da competición. ● Asistir a unha competición á vez que se padece na actualidade a enfermidade da COVID19. ● Non poñer a máscara nas situacións contempladas, unha vez que a autoridade competente advertise ao adestrador/a sobre a dita obriga. ● Non respectar a separación de seguridade física de 1,5 metros, unha vez que a autoridade competente advirta ao adestrador/a sobre a dita obriga. ● Non advertir aos servizos sanitarios da competición que posúe síntomas que poidan representar un posible contaxio da enfermidade. ● Non seguir as indicacións establecidas pola autoridade competente presente na competición e que poña en risco posibles contaxios ás persoas presentes na competición.
Xuíces/zas	<ul style="list-style-type: none"> ● Achegar datos falsos na declaración responsable do/ da xuíz/a. ● Formar parte do Xurado de Competición á vez que se padece na actualidade a enfermidade da COVID19. ● Non poñer a máscara nas situacións contempladas, unha vez que a autoridade competente advertise ao xuíz/a sobre a dita obriga. ● Non respectar a separación de seguridade física de 1,5 metros, unha vez que a autoridade competente advirta ao xuíz/a sobre a dita obriga. ● Non advertir aos servizos sanitarios da competición que posúe síntomas que poidan representar un posible contaxio da enfermidade. ● Non seguir as indicacións establecidas pola autoridade competente presente na competición e que poña en risco posibles contaxios ás persoas presentes na competición.
Directivos	<ul style="list-style-type: none"> ● Achegar datos falsos na declaración responsable previa da competición. ● Asistir a unha competición á vez que se padece na actualidade a enfermidade da COVID19. ● Non poñer a máscara nas situacións contempladas, unha vez que a autoridade competente advertise ao directivo sobre a dita obriga. ● Non respectar a separación de seguridade física de 1,5 metros, unha vez que a autoridade competente advirta ao directivo sobre a dita obriga. ● Non advertir aos servizos sanitarios da competición que posúe síntomas que poidan representar un posible contaxio da enfermidade. ● Non seguir as indicacións establecidas pola autoridade competente presente na competición e que poñan en risco posibles contaxios ás persoas presentes na competición.
Organizadores	<ul style="list-style-type: none"> ● Achegar datos falsos como organizador na declaración responsable previa da competición. ● Asistir a unha competición á vez que se padece na actualidade a enfermidade da COVID19. ● Non poñer a máscara nas situacións contempladas, unha vez que a autoridade competente advirta ao atleta sobre a dita obriga. ● Non respectar a separación de seguridade física de 1,5 metros, unha vez que a autoridade competente advirta ao atleta sobre a dita obriga. ● Non advertir aos servizos sanitarios da competición que posúe síntomas que poidan representar un posible contaxio da enfermidade. ● Non aplicar a Guía de Actuación e Protección para cada competición. ● Non seguir as indicacións establecidas pola autoridade competente presente na competición e que poñan en risco posibles contaxios ás persoas presentes na competición.



SEGUNDA.- Infraccións específicas graves

Son infraccións graves, sancionables conforme ao artigo 20 do Regulamento Disciplinario, as seguintes condutas:

Atletas	<ul style="list-style-type: none"> • Non poñer a máscara nas situacións contempladas. • Non respectar a separación de seguridade física de 1,5 metros, agás as situacións contempladas. • Non seguir as indicacións establecidas pola autoridade competente presente na competición.
Adestrador/a	<ul style="list-style-type: none"> • Non poñer a máscara nas situacións contempladas. • Non respectar a separación de seguridade física de 1,5 metros, agás as situacións contempladas. • Non seguir as indicacións establecidas pola autoridade competente presente na competición.
Xuíces/as	<ul style="list-style-type: none"> • Non poñer a máscara nas situacións contempladas. • Non respectar a separación de seguridade física de 1,5 metros, agás nas situacións contempladas. • Non seguir as indicacións establecidas pola autoridade competente presente na competición.
Directivos	<ul style="list-style-type: none"> • Non poñer a máscara nas situacións contempladas. • Non respectar a separación de seguridade física de 1,5 metros, agás as situacións contempladas. • Non seguir as indicacións establecidas pola autoridade competente presente na competición. • Non cumprir o protocolo establecido para o acto de premiacións.
Organizadores	<ul style="list-style-type: none"> • Non recoller na Guía de Actuación e Protección para cada competición as indicacións establecidas pola Comisión da FGA COVID19. • Non aplicar en todos os seus apartados as medidas establecidas na Guía de Actuación e Protección para cada competición. • Non seguir as indicacións indicadas pola autoridade competente presente na competición e que supoña unha mala imaxe ante a opinión pública.

TERCEIRA.- Infraccións específicas leves

Son infraccións leves, sancionables conforme ao artigo 21 do Regulamento Disciplinario, calquera outro incumprimento do protocolo no tipificados como infraccións específicas moi graves ou graves nos apartados anteriores.